



Koj Feemcuam txog Kev Yuav Kev Fajseeb Khomob



Lub homphiaj ntawm lub Department of Child Support Services (DCSS) yog los txhawv kom cov menyuam yaus muaj kev nojqab haushuv thiab kom cov tsevneeg muaj peevxwm yug tau lawv tuskheej los ntawm kev pab nrhiav cov niamtxiv uas tsis nrog cov menyuam nyob, pab kuaj kom paub tias leejtwg yog leej txiv thiab nrog hais kom nws them nqi mus yug thiab yuav fajseeb khomob rau nws cov menyuam. Cov niamtxiv thiab cov tswv lagluam yog ib cov uas tseemceeb rau hauv txoj kev uas xyuas kom koj tus menyuam muaj kev fajseeb khomob.

■ Yog vim licas DCSS thiaj li samfwm kom kuv yuavtsum tau yuav fajseeb khomob rau kuv tus menyuam?

Tsoomfwm qibsiab thiab lub xeev txoj kevcai tau samfwm kom tus uas yog niam thiab txiv yuavtsum tau yuav kev fajseeb khomob rau lawv cov menyuam. Lub DCSS tau raug samfwm kom los pab nrhiav thiab hais kom cov niamtxiv uas tsis nrog lawv cov menyuam nyob them nqi mus yug thiab yuav kev fajseeb khomob rau lawv cov menyuam uas yog xam raws li tus niam thiab tus txiv cov nyiaj uas khwv tau los thiab qhov uas lawv nrog lawv cov menyuam nyob ntau npaum licas.

■ Kuv yuav tau them ntau npaum licas?

Raws li Kalifonias txoj kevcai, yog thaum ntxiv ib tus lossis cov menyuam rau nws qhov fajseeb khomob es tus nqi raug tsis tshaj li 5% ntawm tus niam lossis tus txiv uas tsis nrog cov menyuam nyob cov nyiaj khwv tau los ces luag yuav suav tias tsimnyog nws yuavtsum tau yuav. Nrog koj tus tswv lagluam tham saib yog ntxiv koj cov menyuam rau yuav raug nqi npaum licas. Yog koj txoj haujlwm tsis muaj fajseeb khomob, koj mus yuav tau nws ntawm ib lub koomhaum uas muag fajseeb khomob los rau koj cov menyuam los luag yeej xam tias koj tau ua raws li lub rooj txiavtxim tau xaj lawm.

■ Yuav muaj dabtsi tshwmsim yog kuv poob kuv txoj haujlwm?

Qhia mus rau koj lub chaw tsib nqi xa mus yug menyuam yog koj poob koj txoj haujlwm lawm. Tej zaum luag yuav txo koj cov nqi them mus yug menyuam vim koj cov nyiaj tu lawm. Yog koj poob koj txoj haujlwm, nws muaj lwm cov kev pabcuam uas tej zaum yuav pab tau kev fajseeb khomob rau koj thiab koj cov menyuam.

Hu mus rau koj lub chaw tsib nqi xa mus yug menyuam hauv nroog:
1-866-901-3212, lossis: TTY: 1-866-399-4096

Tsib Yam Uas Yog Vim Licas Cov Menyua Yaus Tsimnyog Muaj Kev Fajseeb Khomob¹:

Cov menyuam yaus uas muaj kev fajseeb khomob feem ntau tau txais cov kev khomob tivthaiv.

Cov menyuam yaus uas muaj kev fajseeb khomob muaj kev npaj txhij thiab kawm ntawv tau zoo dua.²

Cov menyuam yaus uas muaj kev fajseeb khomob muaj kev nojqab haushuv dua thiab ua neej ntev dua.³

Cov menyuam yaus uas muaj kev fajseeb khomob feem ntau muaj kev mus khomob yam tsis tu-ncua.

Kev fajseeb khomob pab tau kom muaj kev lojhlod sab kev phoojywg thiab sab siab ntsws.

1 "Why Do School Aged Children Need Health Insurance?" Campaign for Children's Health Care (2007)

2 Why Health Insurance Matters for Children, Washington: Campaign for Children's Health Care (Rau hli, 2006), nplooj 1.

3 Bovbjerg, Randall and Hadley, Jack "Why Health Insurance is Important" The Urban Institute (Kaum-ib hlis, 2007)



Child Support
Directors Association

A Coalition of Experts Collecting Billions
for California's Children



"Kev Pab Menyua... Yog Ib Yam Kev Npaj Tseem Ceeb rau
Peb Cov Menyua"

CHILD SUPPORT DIRECTORS ASSOCIATION

www.csdaca.org

Kho tshiab: Kaub-ob hlis, 2010